

REFERAT IIIA - Isumaginninnermut Inunnullu Innarluutilinnut Ataatsimiititaq d. 30-05-2023

Mødedato Tirsdag d. 30. maj 2023 kl. 18:00

Mødested Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit	6
Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarnerit.....	10
Inuit innarluutillit pillugit Siunnersuisooqatigiit ataatsimiittarnerinik ataavartumik ilisimatitsinerit..	12
Ingerlatsinermik nakkutilliiartorneq pillugu ilisimatitsissut.....	14
Utoqqaat pillugit Siunnersuisooqatigiinni ilaasortassamik sinniisussanillu immikkut ittumik toqqaat	17
Tasiilamat sap. ak. 37-mi aammalu Ittoqqortoormiinum sap. ak. 46-mi 2023-mi ukiakkut ataatsimiiti	20
Paamiut pillugit isumaqatigiissut 2023 pillugu killiffik.....	22
Lukket.....	25
Lukket.....	26
Taasariaqartut allat.....	27
Imaqarniliap akuerineqarnera.....	28

Punkt .: Saqqaa

Ilaasortat

Inge Olsvig Brandt (IA), *siulittaasoq*

Lone Rosengreen Pedersen (IA), *siulittaasup tullia*

Harald Bianco (IA)

Poul Petersen (D)

Mala Høy Kúko (S)

Beslutning

Peqataasut

Inge Olsvig Brandt (IA), *siulittaasoq*

Lone Rosengreen Pedersen (IA), *siulittaasup tullia*

Poul Petersen (D)

Attaveqaatitigut peqataasoq

Dorthe-Marie Mogensen-Fontain (S), *sinniisoq*

Peqataasinnaanatik nalunaartut

Mala Høy Kúko (S)

Harald Bianco (IA)

Punkt .: Oqaluuserisassat akuerineqarneri

Beslutning

Oqaluuserisassat akuersissutigineqarput.

Punkt .: Nalunaarutit

Beslutning

Ingerlatsivimmiit

Suliffeqarnermut Isumaginninnermullu Ingerlatsivik Tasiilami Majoriaq-mut aqutsisumik nutaamik atorfinitsitsivoq. Mette Nuko Tasiilap heliportiani Mittarfeqarfinnut aqutsisutut atorfeqarsimasoq ulloq 1. maaji 2023 aallarnerfigalugu centerlederitut atorfinitsinneqarpoq. Ingerlatsivik nuannaarpoq tikilluaqqusinnaagamiuk.

Pisortaq Ejner Grønvold Ilulissani Tilioq ukiumoortumik ulloq 16. maaji ataatsimeersuartitsimmat peqataavoq, inuit innarluutillit pillugit politikissaq pillugu. Inuit innarluutillit atugaasa pitsangorsarneqarnissaat pillugu assigiinngitsunik suliallit pitsaaneruseqarpoq. Ingerlatsivik nuannaarpoq qitiutinneqarpoq.

Nuummi angerlarsimaffeqanngitsunut unnuisarfinni saaluallanissimaneramik pasitsaassisoqarmat, unnuisarfiit ataasiakkaat allatut ajornartumik ingerlatsivimmit matuneqartariaqarsimapput, uumasupiluiaanissamik suliaqartoqassamat. Siniffiit katillugit arfineq pingasut pineqarput, ullunilu arfineq marlunni, piffissami maajip 22-anniit maajip 30-annut atorneqarsinnaanngivissussapput.

Punkt 1: Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Beslutning

Ilisimatitsissut tusaatissatut tiguneqarpoq.

Bilag

Suliffissaaleqisut kisitsisaannut takussutissiat

Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Ilisimatitsissut

SagsID.: EMN-2023-00083

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivik suliffissaaleqineq anigorniarlugu suliniutinut killiffik pillugu kiisalu suliffissaaleqisut amerliartornerat pillugit ataavartumik ilisimatitsissuteqartarpoq. Matumani ilisimatitsissut 2023-mi apriliimut tunngavoq.

Nuuk

Nuummi qaammatini kingullerni suliffissaaleqineq aalaakkaasuvoq, tamannalu ukiup qanoq ilineranut tunngassuteqarpoq. Majoriami suliassat tamarmik inatsisigut pituttugaasut ataavartumik suliarineqartarput. Majoriamit suliniutit nalinginnaasut qulaajaanermut tunngasut saniatigut suliffissaaleqisut matchgruppe 2-miittut pillugit suliniutit nutaat suliaralugit ingerlanneqarput, tassanilu Majoriami Meeqqat atuarianni inaarutaasumik soraarummeernissaannut (MA) sungiusarnissaq ilagissavaat.

Paamiut

Paamiuni suliffissaaleqineq suli aalaakkaasuvoq. Majoriami suliassat tamarmik inatsisigut pituttugaasut ataavartumik suliarineqartarput.

Tasiilaq

Tasiilami qaammatini kingullerni suliffissaaleqineq aalaakkaasuvoq, tamannalu ukiup qanoq ilineranut tunngassuteqarpoq. Majoriami suliassat tamarmik inatsisigut pituttugaasut ataavartumik suliarineqartarput.

Ittoqqortoormiit

Ittoqqortoormiini suliffissaaleqisut ataavartumik amerlanngillat. Majoriami suliassat tamarmik inatsisigut pituttugaasut ataavartumik suliarineqartarput.

Kommuneqarfik Sermersuumi suliffissaaleqisut nikerarnerat

Kommuneqarfik Sermersuumi suliffissaaleqisut katitigaanerat ukiuni kingullerni 2-3-ni ikiliartorsimapput, taamaattumillu siunissami suliniuteqarnermi matchgruppe 2-miittut ukkanneqassapput.

Suliffissarsiuussisarfimmit suliassaqarfimmi suliassat pingaernerit suliarineqartarneri suli pitsaanerulersinniarneqassapput, tamatumalu kingunerisaanik suliffissaaleqisut ikiliartuaassapput. Ukiunut kingullernut 2-3-nut sanilliullugu suliffissaaleqisut suli ikiliartornissaat suliffissarsiuussisarfimmit naatsorsuutigineqarpoq, tassa suliffissaaleqisut amerlassusii 2019-imi, 2020-mi, 2021-mi aamma 2022-mi kisitsisinut sanilliullugit suli ikinnerummata. Ilanngussami takussutissiat 1 aamma 2 takukkit.

Sumiiffik

2023-mi

Piffissami tassani innersuunneqarsimasut nalunaarsorneqarnerat

Suliffeqarnermut Isumaginninnermullu Ingerlatsivimmit suliffissaaleqisut amerlanerusut suliffittaarnissaannut innersuunneqarnissaat suli sulissutigineqarpoq.

Matumani piffissami innersuunneqarsimasunut nalunaarsuinerit tulliuttumi tabelimi

takuneqarsinnaapput. Innersuussisarnermut tunngasut suli 2022-imi ukkatarineqarluarput, tamannalu 2023-mi

suli ukkatarineqassaaq. Anguniagaavoq suliffissaaleqisut piginnaasaatigut ineriartortinneqarnerisa kingunerisaanik (pikkorissaanerit ilaalu ilanngullugit) suliffeqarfiillu suleqatiginerisigut suliffissaaleqisut amerlanerit kommunip illoqarfiini nunaqarfiinilu sulilersinnissaat, taamatuttaaq inuusuttut suliffissaaleqisut Majoriap neqeroorutaanik ingerlatsinissaannut innersuunneqartarnissaat.

	apriilimi innersuussat amerlassusiat
Nuuk	14
Paamiut	9
Tasiilaq	4
Ittoqqortoormiit	0
Nunaqarfinni tamani	0

Matchgruppinit agguataarinerit naatsorsorneqarnerat

Suliniutit, pingaartumik suliffissaaleqisunut matchgruppe 2-niittunut, aallartinneqassapput upernaallu ingerlanerani nangingneqarlutik. Iliuusissatut pilersaarutit malitseqartinneqarnissaannut aggersaanikkut, kingorna qulaajaanissamut innersuussinikkut tulliattullu suliffimmi misiliititsinikkut tamakku ingerlanneqassapput. Taamaaliornikkut suliffissaaleqisut eqqarsartaatsimikkut timikkullu atugarisaat tunngavigalugit sulisinnaanersut takuneqarsinnaalissapput. Ilanngussami takussutissiaq 3 takuuk.

Avataaniit suliarortut naatsorsorneqarnerat

	Aprili
Akuersissutit amerlassusiat	39
Allaffeqarfimmit akuersissutinut kisitsisaatit	3
Itigartitsissutit amerlassusiat	1
Sivitsuinerit amerlassusiat	14
Taamaatitsinerit amerlassusiat	0
Aalajangiinerit katillugit	57

Akuersissutit assigiinngitsut atorfinnut agguataarneqarsimasut ilanngussami 4-mi takukkit.

Ujartuilluni ilitsersuisarnerup naatsorsorneqarnera

Majoriaq inuusuttunut 16-30-it akornanni ukiulinnut ujartuilluni ilitsersuisarnermik suliaqartassaaq. Ujartuilluni ilitsersuineri sullinniakkat inuusuttuupput suliffissaaleqisut, ilinniakkamik ingerlatsinngitsut kiisalu Majoriami suliffissaaleqisutut nalunaarsorneqarsimanngitsut.

Akuersissuteqarnissamut tunngasunut inatsisitigut najoqqutassat qulaajarneqarnissaat pillugu ujartuilluni ilitsersuineq unitsikkallarneqarpoq, maannakkullu pisortat oqartussaaffiinit paasissutissat pissarsiarinariarneqarput, tamatuma kingorna ilitsersuineq aallarteqqinneqassaaq.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumi suliffissaaleqinerup allannguuteqartarnera pisortanit ikorsiissutinut kiisalu suliffeqanngikkallarnermi pisartakkanut aningaasartuutitut aningaasaqarnikkut sulisoqarnikkullu sunniuteqartarput.

Suliffeqarfimmut Kiffartuussivimmit aningaasatigut naliliineq



Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq

Ilanngussat

1. Suliffissaaleqisut kisitsisaannut takussutissiat

Punkt 2: Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarnerit

Beslutning

Ilisimatitsissut tusaatissatut tiguneqarpoq.

Bilag

Marsip ulluisa aappaanni 2023-mi Utoqqaat pillugit Siunnersuisooqatigiit ataatsimiinnerannit imaqarniliaq

Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarnerit

2023-mi marsip aappaanni ataatsimiinnermit imaqarniliaq

Ilisimatitsissut

SagsID: EMN-2023-02053

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Utoqqaat pillugit Siunnersuisooqatigiit ulloq 02. marsi 2023-mi ileqquusumik ataatsimiipput.

Utoqqaat pillugit Siunnersuisooqatigiit tulliani ataatsimiinnissaminnut atatillugu innersuussutitut nassiussimasatik ingerlatsivimmit malitseqartinneqassasut kissaatigaa.

Suliffeqarnermut Isumaginninnermullu Ingerlatsivimmit Kommuneqarfik Sermersuumi utoqqaat atugaasa misissorneqarnissaannut periarfissaq pillugu Utoqqaat pillugit Siunnersuisooqatigiinni siulittaasoq oqaloqatigineqarpoq.

2023-mi marsip ulluisa aappaanni ataatsimiinnermut atatillugu siunnersuisooqatigiit Utoqqaat pillugit suliassaqarfimmi fagcheffi nutaaq tikilluaqqaat.

Suliffeqarnermut Isumaginninnermullu Ataatsimiititaq Utoqqaat pillugit Siunnersuisooqatigiinni ataatsimiittarnerit pillugit ataavartumik ilisimatinneqartarpoq, soorluttaaq Utoqqaat pillugit Siunnersuisooqatigiinni imaqarniliat Kommuneqarfik Sermersuup nittartagaani tamanut saqqummersinneqartartut.

Ingerlatsivimmit aningaasatigut sulisoqarnikkullu naliliinerit

Soqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kommuneqarfik Sermersuumi Utoqqaat pillugit Siunnersuisooqatigiinnut ileqqoreqqusaq
- Utoqqaat pillugit Siunnersuisooqatigiit suleriaasissaat
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussat

1. Marsip ulluisa aappaanni 2023-mi Utoqqaat pillugit Siunnersuisooqatigiit ataatsimiinnerannit imaqarniliaq

Punkt 3: Inuit innarluutillit pillugit Siunnersuisooqatigiit ataatsimiittarnerinik ataavartumik ilisimatitsinerit

Beslutning

Ilisimatitsissut tusaatissatut tiguneqarpoq.

Bilag

Utoqqaat pillugit Siunnersuisooqatigiit aamma Suliffeqarnermut Isumaginninnermullu Ataatsimiititap februaarip ulluisa 21-anni 2023-mi ataatsimiinnerannit imaqarniliaq

Inuit innarluutillit pillugit Siunnersuisooqatigiit ulloq 13. aprili 2023-mi ataatsimiinnerannit imaqarniliaq

Inuit innarluutillit pillugit Siunnersuisooqatigiit ataatsimiittarnerinik ataavartumik ilisimatitsinerit

Ulloq 21. februar 2023-mi aamma ulloq 13. april 2023-mi ataatsimiinnernit.

Ilisimatitsissut

SagsID.: EMN-2023-02055

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Utoqqaat pillugit Siunnersuisooqatigiinnut ileqqoreqqusat malillugit ukiumoortumik killiffik pillugu Suliffeqarnermut Isumaginninnermullu Ataatsimiititaq ataatsimeeqatigineqartassaaq tamannalu ulloq 21. februaari 2023-mi pivoq. Ataatsimiinnermi siunnersuisooqatigiinnit anguniakkat pingaarnerit saqqummiunneqarput. Siunnersuisooqatigiit 2023-mi aalajangerput ukkatarisassatut pingaarnersiuussallugit: Sulinissamut ilinniagaqarnissamullu periarfissaqarneq.

Taakkua saniatigut Inuit innarluutillit pillugit Siunnersuisooqatigiit nalinginnaasumik ulloq 13. aprili 2023-mi ataatsimiipput. Ataatsimiinnermi siunnersuisooqatigiit eqikkaallutik ataatsimiikkamik ingerlatsivimmuut innersuussutigivaat, ilinniarfissanik suliffissanillu periarfissat suunerinik kiisalu inunnut immikkut pisariaqartitsisunut illersugaasumik suliffissanik periarfissat ilanngullugit suliaqassasoq.

Suliffeqarnermut Isumaginninnermullu Ataatsimiititaq Inuit innarluutillit pillugit Siunnersuisooqatigiinni ataatsimiittarnerit pillugit ataavartumik ilisimatinneqartarpoq, soorluttaa Inuit innarluutillit pillugit Siunnersuisooqatigiinnit imaqarniliat Kommuneqarfik Sermersuup nittartagaani tamanut saqqummersinneqartartut.

Ingerlatsivimmit aningaasatigut sulisoqarnikkullu naliliinerit

Soqanngilaq.

Suliffeqarfimmu Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Kommuneqarfik Sermersuumi Inuit innarluutillit pillugit Siunnersuisooqatigiinnut ileqqoreqqusat
- Inuit innarluutillit pillugit Siunnersuisooqatigiit suleriaasiat
- Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersoq

Ilanngussat

1. Utoqqaat pillugit Siunnersuisooqatigiit aamma Suliffeqarnermut Isumaginninnermullu Ataatsimiititap februaarip ulluisa 21-anni 2023-mi ataatsimiinnerannit imaqarniliaq
2. Inuit innarluutillit pillugit Siunnersuisooqatigiit ulloq 13. aprili 2023-mi ataatsimiinnerannit imaqarniliaq

Punkt 4: Ingerlatsinermik nakkutilliartorneq pillugu ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Nakkutilliilluni nalunaarusiat ataatsimut eqikkarneri



Ingerlatsinermik nakkutilliartroneq pillugu ilisimatitsissut

Piffissami decembari 2022 - februaari 2023-mi nakkutilliineq

Ilisimatitsissut

SagsID.: EMN-2023-01882

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq malillugu kommunimi najugaqarfinni nakkutigineqartuni, najugaqatigiiffinni, utoqqaat illuini aamma utoqqaat najugaqatigiiffini Kommuneqarfik Sermersuumit ukiumut ingerlatsinermik nakkutilliineq ingerlanneqartarpoq.

Nakkutilliinerni siunertarineqartarpoq suliffeqarfiup pitsaassusiata erseqqissarneqarnissaa nalilersorneqarnissaalu suliassat pitsaassusaat arlallit tunngavigalugit, taakkununga ilanngullugit najugallit sammisatut periarfissaat, aaqqissuussaananerit aqutsisullu kiisalu najugaqatigiiffimmi atugassarititaasut. Pitsaassutsimut tunngasut isumaginninnermik suliassaqaarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. august 2021-meersumi aalajangersarneqarput. Tamakkua saniatigut nakkutilliinerni ajornartorsiutaasut paasiniarneqarput ingerlariaqqinnissamullu pitsanngorsaatisatut periarfissanik aqutissiuussisoqartarluni. Taamaaliornikkut kommunip innuttaasunut sullissinerani pitsaassusissatut aalajangersakkat sulisullu sulinerminni atugarisaat qulakkeerneqartarput.

Piffissami 2022-mi decembarip naaneraniit 2023-mi februaarip tungaanut utoqqarnut inunnullu innarluutilinnut suliassaqaarfimmi nakkutilliinermut suliarineqartunit nalunaarusiat sisamat matumani nassuiaatigineqarput. Ilanngussaq 1-imiipput nakkutilliinermut tunngatillugu suliap eqikkarnerisa ataatsimoortinneri, tassanilu nakkutilliinermut nalunaarusiani pingaarnertut inerniliinerit innersuussutillu katiterneqarneri.

Tullinguuttuni Utoqqarnik suliassaqaarfimmi aamma Inunnut innarluutilinnut aamma Tarnimikkut nappaatilinnut immikkoortortaqaarfimmi nakkutilliinerni nalinginnaasumik uteqqiattut inerniliinerillu erseqqissaatigineqarput.

Utoqqarnik suliassaqaarfik - Paamiut

- GetOrganizedimik atuutilersitsineq ingerlanneqaleruttorpoq
- Tamakkiisumik naliliinerit, isumassuinerimut aamma katsorsaananermut pilersaarutit 2022-mi suliarineqarput
- Najugaqartut aningaasaataannik isumaginninnermi najoqqutassat atuuttut malinneqanngillat
- Sammisassaqaarfimmi sammisassaqaarnermut sulisut sammisassanut ukiumoortunik, qaammamoortunik, sapaatip-akunneranoortunillu pilersaarusiortarput
- Isumassuinerim suliassanut tunngatillugu sulisunik ilinniartitsisarneq peqqissaavik qanimut suleqatigalugu ingerlanneqartarpoq



Nakkutilliisup oqaaseqaatai innersuussutaalu tunngavigalugit utoqqarnik paaqqinniffinni utoqqarnullu najugaqatigiiffinni Utoqqarnik suliassaqarfimmi fagcheffi suleqatigalugu suliniutinik aallartitsisoqarpoq. Annerpaamik najugaqartut aningaasaataannik nalunaarsueriaaseq nutaaq aamma sulisunik, ilaatigut nakorsaatinik suliaqarsinnaanermik, ilinniartitsineq pingaartillugit qitiutinneqarput.

Innarluutilinnut tarnikkut nappaatilinnullu Immikkoortortaqaarfik - Nuuk aamma Paamiut

- Najugaqatigiiffinnut tamanut ileqqoreqqusanik suliaqartoqareerpoq
- GetOrganizedimik atuutilersitsineq 2022-p naalernarani aallartippoq, maannalu suli ingerlanneqarluni
- GetOrganizedimi ullorsiutinik allattuisarnerup annertusisimanager Kangillinnguit 4-mi takuneqarsinnaavoq
- Ukiumoortumik killiffimmik nalunaarusianik suliaqartarnerit, najugaqartunut anguniagassanik allattuineq malitseqartitsisarnerlu ataavartumik ingerlanneqartarnissaat amigaataavoq
- Qaavami Blok O-milu attaveqalernissaq sulissutigineqarpoq, tassanilu attaveqaataasutut atuuffik atulersinneqarpoq
- Attaveqaataasutut atuuffik Kangillinnguit 4-mi tamakkiisumik atuutilersinneqanngilaq
- Paamiuni najugaqatigiiffik ininut nutaanut nuuppoq
- Qaavami Blok O-milu sullinneqartut pillugit Nuummi Tarnimikkut nappaatilinnik qitiusumik immikkoortortaqaarfik peqatigalugu immikkut ittumik sammisaqarneq ingerlanneqarpoq

Nakkutilliisup oqaaseqaatai innersuussutaalu tunngavigalugit najugaqatigiiffinni Innunut innarluutilinnut tarnikkut nappaatilinnullu Immikkoortortaqaarfimmi Fagcheffi suleqatigalugu suliniutinik aallartitsinikuupput. Pingaarnertut qitiutinneqartut tassaapput GetOrganizedimik atuutilersitsinerup ingerlaqqinnissaa, killiffik pillugu nalunaarusiat nutarternissaannut suleriaatsimik malittarisassaliorneq aamma ineriartortitsinissamut pilersaarutit kiisalu nakorsaatinik suliaqarnermik akerleriinnernillu aaqqiinissamut tunngasunik pikkorissarnerit.

Ingerlatsivimmit aningaasatigut sulisoqarnikkullu naliliinerit

Aningaasatigut allaffissornikkullu kinguneqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- o Isumaginninnermi suliassaqarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. august 2021-meersoq
- o Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq

Ilanngussat

1. Nakkutilliilluni nalunaarusiat ataatsimut eqikkarneri
2. Qaavani aamma Blok O-mi nakkutilliinermi nalunaarusiaq 2022
3. Kangillinnguini nakkutilliinermi nalunaarusiaq 2023
4. Paamiuni Utoqqaat Illuanni nakkutilliinermi nalunaarusiaq 2023
5. Paamiuni Najugaqatigiiffimmi nakkutilliinermi nalunaarusiaq 2023

Punkt 5: Utoqqaat pillugit Siunnersuisooqatigiinni ilaasortassamik sinniisussanillu immikkut ittumik toqqaanissamik nalunaaruteqarneq

Beslutning

Inassuteqaat akuersissutigineqarpoq.

Bilag

Utoqqarnut Siunnersuisooqatigiinnut maleruaqqusat

Utoqqaat pillugit Siunnersuisooqatigiinni ilaasortassamik sinniisussanillu immikkut ittumik toqqaanissamik nalunaaruteqarneq

Aalajangiiffigisassaq

SagsID.: EMN-2023-02052

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- Utoqqaat pillugit Siunnersuisooqatigiinni inuttaqanngitsunik immikkut ittumik toqqaanissamik nalunaaruteqarneq akuerineqassasoq

Suliassamik saqqummiussineq

Kommuneqarfik Sermersuumi Utoqqaat pillugit Siunnersuisooqatigiit innuttaasut Kommunalbestyrelsillu akornanni atassuteqaataapput. Utoqqaat pillugit siunnersuisooqatigiit atuuffimminni utoqqarnut tunngasunik paasititsiniaaqataallutillu oqallitsitsisinnaasut, taamalu kommunimi utoqqarnut atugassarititaasunik siuarsaasinnaallutillu suliassaqarfimmi politikikkut oqallinnernik pitsaanerulersitsisut.

Utoqqaat pillugit siunnersuisooqatigiit tallimanik ilaasortaqarput sinniisoqarlutillu, taakkulu Kommunalbestyrelsimit toqqaarneqarput. Siunnersuisooqatigiit Kommunalbestyrelsimut qinersineq maliinnarlugu ukiuni sisamani atuuttarput.

Utoqqaat pillugit siunnersuisooqatigiit maannakkut ilaasortamik ataatsimik ikinnerpaamillu sinniisussamik ataatsimik amigarput. Siunnersuisooqatigiinni sinniisussaq ataaseq sinniisussatut ingerlaannarusuppoq. Utoqqarnut Siunnersuisooqatigiinnut maleruaqqusani § 4 imm. 6 naapertorlugu nutaamik ilaasortassarsiortoqassatillugu sinniisussarsiortoqassatillugulu Kommunalbestyrelse taannaavoq toqqaasussaq.

Suliffeqarnermut Isumaginninnermullu Ingerlatsivimmit innersuussutigineqarpoq, Utoqqaat pillugit Siunnersuisooqatigiinni ilaasortassamik ataatsimik sinniisussanillu immikkut ittumik toqqaanissamik nalunaaruteqartoqassasoq. Utoqqaat pillugit siunnersuisooqatigiinni ilaasortat sinneri kiisalu sinniisutut uteqqiattuusut ingerlaannassapput. Ilaasortanut sinniisussanullu tamanut tulliani ileqquusumik qinersinissaq 2025-mi pissaaq. Inassuteqaatigineqartoq akuerineqassappat, qinnuteqartitsisoqareerneratigut Kommunalbestyrelse siunnersuisooqatigiinni ilaasortassamik toqqaassaaq, qinigassanngortissimasullu sinneri sinniisussanngortinneqassallutik.

Ingerlatsivimmit aningaasatigut sulisoqarnikkullu naliliinerit

Aningaasaqarnikkut sulisoqarnikkullu kinguneqarnaviangilaq

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq.
- o Kommuneqarfik Sermersuumi Utoqqaat pillugit Siunnersuisooqatigiinnut ileqqoreqqusat

Ilanngussat



1. Utoqqarnut Siunnersuisooqatigiinnut maleruaqqusat

Punkt 6: Tasiilamut sap. ak. 37-mi aammalu Ittoqqortoormiunut sap. ak. 46-mi 2023-mi ukiakkut ataatsimiititap angalanissai

Beslutning

Inassuteqaat akuersissutigineqarpoq, imatut oqaaseqaatitalerlugu:

Angalaffissatut siunnersuutigineqartut paarlaassinnaanersut misissorneqarnissaat aaliangiunneqarpoq, iluatsissinnaanngippallu angalanissamut pilersaarutigineqartut atorneqassapput.

Bilag

Ataatsimiititap angalanissaannut aaqqissuussaaneq (1. juuni 2021-mi aalajangiussaq)

Ataatsimiititap angalanissaannut pilersaarut

Tasiilamut sap. ak. 37-mi aammalu Ittoqqortoormiunut sap. ak. 46-mi 2023-mi ukiakkut ataatsimiititap angalanissai

Suliffeqarnermut Isumaginninnermullu Ataatsimiititaq

Aalajangiiffigisassaq

SagsID.: EMN-2023-02209

Suliffeqarnermut Isumaginninnermullu Ingerlatsivik - pisortaq Ejner Grønvold / EJGR

Inassuteqaat

Suliffeqarfimmut Kiffartuussivimmiit Suliffeqarnermut Isumaginninnermullu Ataatsimiititamut inassuteqaatigineqarpoq:

- Tasiilamut sap. ak. 37-mi aammalu Ittoqqortoormiunut sap. ak. 46-mi angalanissat akuersissutigineqassat

Suliassamik saqqummiussineq

Kommuneqarfik Sermersuumi illoqarfiit nunaqarfiillu pillugit qinikkanit paasisasaqarfiginerunissaat ilisimasaqarfiginerunissaallu kiisalu kommunimi innuttaasunik oqaloqateqarnissaq ataatsimiititap angalaneranni siunertaavoq. Ataatsimiititap angalanerini aamma suliamut tunngasunik aalajangersimasunik ataatsimiititap namminneq suliassaqarfimminnut tunngasunik paasisaqarnerunissaat isumassarsiortarnissaallu periarfissaalissaaq.

Kommunalbestyrelsip ileqquusumik siullermik ataatsimiinnerani 1. juuni 2021-mi piffissami qinigaaffiusumi 2021-miit 2025-mut ataatsimiititap angalanissaannut aqqqissuussaq akuersissutigineqarpoq (ilanngussaq 1). Aqqqissuussaaneq malillugu Suliffeqarnermut Isumaginninnermullu Ataatsimiititaq 2023-mi Tasiilami aammalu Ittoqqortoormiini angalasussaavoq.

Ataatsimiititap angalanerminni aallaavittut ikinnerpaamik nunaqarfik ataaseq ilanngullugu angalaffigisassavaat. Tasiilamut aammalu Ittoqqortoormiunut angalanissanut atatillugu Tiilerilaaq, Isertoq, Kuummiit imaluunniit Sermiligaaq tikinneqarnissaat periarfissaassaaq.

Ingerlatsivimmit aningaasatigut sulisoqarnikkullu naliliinerit

2023-mi ataatsimiititap angalanissaannut 125.000 koruunit immikkoortinneqarsimapput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- o Ataatsimiititap angalanissaannut pilersaarut

Ilanngussat

1. Ataatsimiititap angalanissaannut aqqqissuussaaneq (1. juuni 2021-mi aalajangiussaq)
2. Ataatsimiititap angalanissaannut pilersaarut

Punkt 7: Paamiut pillugit isumaqatigiissut 2023 pillugu killiffik

Beslutning

Ilisimatitsissut tusaatissatut tiguneqarpoq.

Bilag

Paamiut pillugit isumaqatigiissut 2023 pillugu killiffik

Paamiut pillugit isumaqatigiissut

Ilanngussaq 1 Paamiut pillugit isumaqatigiissummut

Paamiut pillugit isumaqatigiissut 2023 pillugu killiffik

Ilisimatitsissut

SagsID.: EMN-2023-00873

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Paamiut pillugit isumaqatigiissut 2019-imi Kommuneqarfik Sermersuup aamma Peqqinnissaqarfiup akornanni isumaqatigiissutigineqarpoq. Isumaqatigiissut peqqinnissaqarnermut tunngasut pillugit suleqatigiissutigineqarnissaannut atorineqartussaavoq. Paamiut pillugit isumaqatigiissutip peqqinnissaqarfiup/peqqissaaviup kommunillu/Paamiunilu utoqqaat illuata akornanni piunasaqaatinik pitsangorsaanaissaq qanimullu suleqatigiinnissap qulakkeerneqarnissaat siunertarivaa.

Paamiut pillugit isumaqatigiissut Paamiuni nutaamik peqqissaaviup tallissutaani utoqqaat illuliorqarneranut atatillugu isumaqatigiissutigineqarpoq. Isumaqatigiissuteqarnikkut iluaqutitalimmik atortunik sulisoqarnikkullu nukissanik avitseqatigiilluni suleqatigiinnissamut killiliussat aalajangersarneqassapput.

Ukiumoortumik suleqatigiinnerup killiffianik nalunaaruteqartoqartassaaq (ilanngussaq 1 takuuk). Tulliuttumi suleqatigiissutigineqalereersut ataasiaakkat aammalu suleqatigiissuteqarfissat, ukkatarineqalersussat siunissamilu suliarineqartussat pillugit eqikkaasoqassaaq.

Suleqatigiissutigineqalereersut

- Siusinnerusukkut suleqatigiissutigineqareersut suli ingerlalluarput, soorlu unnuarsiortunik aggersarneqarsinnaasutut pigaartuut ataatsimoorunneqarnerat, sapaatip akunnerata naanerani utoqqaat nerisassanik pajunneqartarnerat, ataatsimut eqqiaasarneq errorsarnerlu kiisalu iluaqusersuutunik avitseqatigiinneq
- Marsimi 2023 peqqinnissaqarfimmi portørit pedelit suliarnikk isumaginnitsillugit malinnaasinneqartarnerat misiliutigineqarpoq. Taamatut iliorneq pivoq pedelit suliassai qanoq ililluni peqqinnissaqarfimmut tunniunneqarsinnaaneramik paasiniarnermi
- Kingullermik 2022-mi killiffissiuisoqareernerata kingorna utoqqaat illuata peqqissaaviup nakorsaasersuisarneranik suliassaa tiguaa. Taamatut iliorneq utoqqaat illuanni sulisunut najugaqartut nakorsaataannik annerusumik nakkutiginnissinnaanerannik isumannaannerunerannillu kinguneqarpoq ilaatigut nakorsaatit sunniutaannut annertussilerneqartarnerannullu tunngatillugu

Siunissami suleqatigiissutissat

- Misililluni aqqissuussineq ingerlariaqqiffigalugu aqutsisoqatigiinnit portørit pedelillu suliassaasa 2023-mi ataatsimoortinneqarnissaat pilersarusiorneqassaaq. Ilaatigut portørit atuuffiunut nassuiaat misissorneqassaaq aamma portørit utoqqaat illuannut tunngatillugu suleriaatsinik nassuiaatit suliarineqassapput

- Ataatsimoorussamik pikkorissartitsisoqarnissaanut tunngasunik suleqatigiissuteqarnissaq unammillerneqartoqarsimavoq, sulisut taarsaannerat nukissallu killeqarnerat pissutigalugit. Siunissami anguniagassat ilagivaat, sulisut annerusumik pikkorissartinneqartarnissaat ilaatigut ilinniartitsinissamut ataatsimoorussamik pilersaarusiortarnikkut. Aqutsisunit aammaarluni ataatsimut pikkorissaasarnissaq pingaartinneqassaaq, sulisunut nukissanullu tunngatillugu tamanna ajornartinneqanngikkaangat
- Siunissami ataatsimoorussamik unnuami pigaartoqartarnissaa sulissutigineqassaaq. Ataatsimoorussamik unnuami pigaartoqartarnissaanut alloriarnissaq tulliuuttoq tassaavoq videokkut nakkutilliisutit oqaloqatigiinnermullu atortut utoqqaat illuanni ikkunneqarnissaat

Paamiut pillugit isumaqatigiissutit killiffia ataatsimiititamut tulliani 2024-mi upernaakkut tunniunneqassaaq.

Ingerlatsivimmit aningaasatigut sulisoqarnikkullu naliliinerit

Aningaasatigut allaffissornikkullu kinguneqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- o Paamiut pillugit isumaqatigiissut (ilanngussat ilanngullugit)
- o Peqqissutsimut tunngasuni suleqatigiinnissamut isumaqatigiissut Peqqissutsimut Naalakkersuisoqarfik / Kommuneqarfik Sermersooq

Ilanngussat

1. Paamiut pillugit isumaqatigiissut 2023 pillugu killiffik
2. Paamiut pillugit isumaqatigiissut
3. Ilanngussaq 1 Paamiut pillugit isumaqatigiissummut

Punkt 8: Lukket

Punkt 9: Lukket

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14.53.